



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-2-40-158-4/25**  
Datum: **07.05.2025. godina**

«Agencija za vodno područje rijeke Save» Sarajevo rješavajući po zahtjevu pravnog lica „MENPROM“ d.o.o. Gornja Tuzla, za izdavanje vodne saglasnosti za ispuštanje tehnoloških otpadnih voda iz pogona za preradu mesa i proizvodnju konzerviranih proizvoda od mesa, u postupku rekonstrukcije, dogradnje i nadogradnje postojećeg poslovno-proizvodnog objekta u ulici Ahmeta Kobića bb, općina Gornja Tuzla, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

### RJEŠENJE

1. Odbija se zahtjev pravnog lica „MENPROM“ d.o.o. Gornja Tuzla za izdavanje vodne saglasnosti za ispuštanje tehnoloških otpadnih voda iz pogona za preradu mesa i proizvodnju konzerviranih proizvoda od mesa, u postupku rekonstrukcije, dogradnje i nadogradnje postojećeg poslovno-proizvodnog objekta u ulici Ahmeta Kobića bb, općina Gornja Tuzla, na zemljištu označenom kao k.č. broj: 2918/7 i 2774/10 K.O. Gornja Tuzla, s obzirom da za predmetnu aktivnost nije propisana obveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, korisnik objekta dužan je da pribavi vodne akte od nadležnog organa.

### Obrazloženje

Pravno lice „MENPROM“ d.o.o. Gornja Tuzla zahtjevom broj: INT-0-1/25 od 14.04.2025 godine zaprimljenim u ovoj Agenciji dana 17.04.2025. godine zatražilo je izdavanje vodne saglasnosti za ispuštanje tehnoloških otpadnih voda iz pogona za preradu mesa i proizvodnju konzerviranih proizvoda od mesa, u postupku rekonstrukcije, dogradnje i nadogradnje postojećeg poslovno-proizvodnog objekta u ulici Ahmeta Kobića bb, općina Gornja Tuzla, na zemljištu označenom kao k.č. broj: 2918/7 i 2774/10 K.O. Gornja Tuzla.

U provedenom postupku dostavljena je i pregledana sljedeća dokumentacija:

- Rješenje o izmjenama podataka u sudskom registru broj: 032-0-Reg-23-000765 od 16.05.2023. godine, izdatog od strane Općinskog suda u Tuzli-ovjerena kopija,
- Uplatnica za upravnu taksu u iznosu od 60.00 KM,
- Uvjerjenje o poreznoj registraciji izdato 24.04.2009.godine, od strane Porezne uprave – Kantonalni ured Tuzla-ovjerena kopija,
- Rješenje o naknadnoj urbanističkoj saglasnosti broj: 06/10-19-4336-2024 SM od 11.06.2024. godine izdato od strane Službe za prostorno uređenje i zaštitu okoline, Grad Tuzla – kopija
- Rješenje o prethodnoj vodnoj saglasnosti broj: UP-1/21-1-40-609-5/24 od 08.01.2025. godine izdato od strane «Agencije za vodno područje rijeke Save» Sarajevo - kopija,
- Rješenje o vodnoj dozvoli broj: UP-1/21-3-40-019-5/24 od 05.03.2024. godine izdato od strane «Agencije za vodno područje rijeke Save» Sarajevo - kopija,
- Rješenje o ispunjenju uslova broj: UP-I-06-2-20/20-854-4/23 od 27.07.2023 godine izdato od strane Federalnog ministarstva poljoprivrede, vodoprivrede i šumarstva,
- Ugovor o regulisanju međusobnih obaveza sklopljen sa JKP „Vodovod i kanalizacija“ d.o.o. Tuzla dana 04.11.2024-ovjerena kopija.

Uz zahtjev za izdavanja vodne saglasnosti dostavljen je Glavni projekat snabdijevanja vodom i dispozicija otpadnih voda za rekonstrukciju, dogradnju i nadogradnju postojećeg poslovno-proizvodnog objekta pravnog lica „MENPROM“ d.o.o. Gornja Tuzla urađen od strane „ATRIUS-projekt“ d.o.o. Živinice, april 2025. godine.

Uvidom u navedeni Projekat utvrđeno je da isti nije urađen u skladu sa Rješenjem o prethodnoj vodnoj saglasnosti broj: UP-1/21-1-40-609-5/24 od 08.01.2025. godine a odnosi se na uslov koji je propisan u tački

4.2. „U slučaju da se planira tretman tehnoloških otpadnih voda na postojećem uređaju to isto dokazati detaljno provedenim proračunima količina i sastava tehnoloških otpadnih voda u projektnoj dokumentaciji uz dokaze da su efekti tretmana tehnoloških otpadnih voda takvi da su ispunjeni uslovi kvaliteta efluenta na izlazu iz postrojenja propisani Uredbom o uslovima ispuštanja otpadnih voda u okoliš i sisteme javne kanalizacije (Prilog 8. tabela 1. kolona 3)“

Takođe nije detaljno opisano postojeće stanje i promjene koje se planiraju izvršiti a koje su vezane za sistem prikupljanja, tretman i ispuštanja tehnoloških otpadnih voda.

Vezano za naprijed navedeno našim aktom broj: UP-1/21-2-40-158-2/25 od 23.04.2025. godine Glavni projekat je vraćen na dopunu.

Dana 06.05.2025 godine dostavljen je projekt dorađen u skladu sa navedenim u našem aktu.

Na osnovu uvida u Projekat i dostavljenu dokumentaciju utvrđeno je sljedeće:

- Lokacija započete dogradnje i nastavka rekonstrukcije i dogradnje postojećeg poslovnog (proizvodnog skladišnog) objekta za preradu mesa i proizvodnju konzerviranih proizvoda od mesa, pravnog lica „MENPROM“ d.o.o. Tuzla, nalazi se u ulici Ahmeta Kobića bb, općina Gornja Tuzla, na zemljištu označenom kao k.č. broj: 2918/7 i 2774/10 KO Gornja Tuzla.
- Tehnološke otpadne vode u industriji za preradu mesa i proizvodnju konzerviranih prerađevina, nastaju u različitim proizvodnim procesima i mogu biti različitog tipa: prilikom pripreme i prerade mesa, kod pranja podova pogona i opreme koja se koristi kod proizvodnje mesnih prerađevina, u procesu proizvodnje vodene pare.
- U otpadnoj vodi iz pogona za preradu mesa nalaze se rastvorene organske materije, masti, ulja, suspendovane materije, nitrati, nitriti, amonijak i fosfati, soli te rezidue sredstava za čišćenje i dezinfekciju kao što su alkalne i kisele supstance.
- Prema postojećem stanju na terenu za prihvatanje otpadnih voda iz procesa prerade mesa „MENPROM“ d.o.o. Tuzla, izgrađen je uređaj za biološki tretman tehnoloških otpadnih voda koje nastaju u procesu za preradu mesa i proizvodnju konzerviranih proizvoda od mesa i sanitarnih otpadnih voda.
- Predmet projekta je rekonstrukcija, dogradnja i nadogradnja postojećeg poslovno-proizvodnog objekta. Dogradnja i nadogradnja se ne odnose na proizvodnju predmetnog kompleksa. Dogradnja i nadogradnja se odnose na skladišni dio. Iz navedenog se vidi da ne dolazi do povećanja proizvodnog kapaciteta u odnosu na postojeće stanje, samim tim ne dolazi do povećanja količine otpadne vode niti se mijenja sastav tehnoloških otpadnih voda. Na osnovu navedenog utvrđeno je da postojeći uređaj za biološko prečišćavanje zadovoljava. Isto se potvrđuje iz izvještaja o monitoringu otpadnih voda urađenih od strane ovlaštene laboratorije čiji rezultati ukazuju da parametri kvaliteta otpadnih voda su u skladu sa dozvoljenim vrijednostima propisanim Uredbom.
- Za ispuštanje tehnoloških otpadnih voda iz postojećih objekata je od strane ove Agencije izdato Rješenje o vodnoj dozvoli broj: UP-1/21-3-40-019-5/24 od 05.03.2024. godine na osnovu projektna dokumentacije u kojoj su obrađene količine i kvalitet te na osnovu istog ugrađen uređaj za tretman za otpadnih voda iz postojećih objekata.

U skladu sa članom 18. stav (1) tačka 2. Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), proširenje kanizacionog sistema na način da će se dograđeni dio uključiti na postojeći sistema za koji je već izdata vodna dozvola, ova aktivnost ne podliježe obavezni ishodovanju vodnog akta.

Imajući u vidu navedeno i na osnovu utvrđenog činjeničnog stanja, a u skladu sa članom 200. stav (1) Zakona o upravnom postupku, članom 139. stav (1) Zakona o vodama, riješeno je kao u dispozitivu ovoga Rješenja.

#### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Ahmedić Behija dipl.inž.tehn.

Po ovlaštenju  
Rukovodilac Sektora za izdavanje vodnih akata

  
Nihad Pezo, dipl.inž.građ.

#### **Dostaviti:**

- „MENPROM“ d.o.o. Gornja Tuzla, Ahmeta Kobića bb, Gornja Tuzla
- Ⓞ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava